

Sinun oikeudet kansankorkeakoulula

Opiskeliaoikeus – tärkeä sulle ja kansankorkeakoulule

Kansankorkeakoulu on koulutusmuoto jota seuraavat tavoheet ohjaavat, esimerkiksi ette tuottaa osalistumista, innostusta ja yhteiskunnan demokraattista kehitystä. Koulut päättävät itte toiminnan muotostamisesta. Koululaki ei jällaa eikä niitä ole valtiolisia opintoplaania kansankorkeakoulule. Kansankoulutusneuvosto jakkaa valtioliset avustukset jotka koulut saavat. Koulut häätyvät kansa seurata Kansankoulutusneuvoston valtioavustusehtoja jossako opiskeliaoikeus on tärkeä osa.

Koulun opiskeliaoikeuen rytinissä sie piät osalistujanna saattaa lukea koulun säänoistä opiskeliaoikeuksista kysymyksistä niinku esimerkiksi valituksitten, kurinpitotoimitten ja osalistujavaikutuksitten hantteerauksista. Johtokunta on korkein instansi kansankorkeakoulula ja se on vastuulinen koulusta ja kolutuksesta. Sulle, opiskelianna, se tarkoittaa ette koulun johtokunta ottaa suuriman osan päätöksistä jotka vaikuttavat sinun tilanetta ja sinun oikeuksia koulula.

Ette vahvistaa sitä oikeuenmukhaista tilanetta kaikile jotka opiskelevat kansankorkeakoulula on Kansankouluitten opiskeliaoikeuen raati, FSR. Tässä alla sie saatat lukea lissää kunka FSR toimii ja mitä met saatama tehä ette auttaa sinua osalistujanna.

Epättytyväinen? Konfliktissa? Näin sie tehet!

Oleks epättytyväinen sinun tilantheen kansa elikkä oleks konfliktissa koulun kansa? Ensimmäistä mitä sie piät tehä on ette kääntyä koulun rehtorin työ. Jos sie et ole tyytyväinen jälkhiin ko sie olet ottanu ylös kysymyksen rehtorin kansa sie saatat ilmottaa asian koulun johtokunnale. Ko net on ottanheet kantaa kysymyksheen ja jos sie vieläkhään et ole tyytyväinen, sie saatat ilmottaa sinun asian FSR:hiin. Muista ette kaikki FSR:ile lähätetyt ilmottamiset ja ilmoitukset tulevat ylheisiksi asiakirjoiksi. Sen takia niitä saatethaan tulla jättämhään ulos julkisuusprinsiipin mukhaan.

Mitäs kysymyksiä sie saatat ilmottaa?

Seuraavia kysymyksiä mennee ilmottaa FSR:hiin:

- sinun kurssi ei piä mitä koulu oon luanu
- koulun hantteeraus valittamisista
- koulun hantteeraus kurinpitotoimista, esimerkiksi varotus, poispano ja erottaminen
- informasuunin puute maksoista
- opinto-ohjauksen puute
- opintoplaanin seuranaan puute
- opintotuloksitten komynikasuunin puute
- koulun hantteeraus jos kurssi keskheythään elikkä perruutethaan
- osalistujavaikutuksen ja opiskeliaoikeuen puute

Annettuja opintoarviointia ei mene valittaa FSR:hiin elikkä mihinkhään muuhuun instanshiin koulun ulkopuolela.

Maholisuus ette ilmottaa asiata FSR:hiin jällaa vain sulle joka kuljet kursia joka oon pitempi ko 15 päivää. Ilmotus oon pitäny tulla sisäle FSR:hiin viimisthääns vuotta jälkhiin ko sie olet jättäny koulun.

Mitäs ilmoituksen jälkhiin tapahtuu?

Se oon kansankorkeakoulun johtokunta joka oon vastuulinen koulun toiminasta ja päättää mikkä säänöt jällaaavat. Sen takia FSR ottaa lähtökohtansa kansankoulun omista säänöistä ja ehoista ko met arvioima yhtä asiata.

FSR ei saata koskhaan muuttaa koulun päätöstä, mutta met saatama kuitenkin antaa suositteluja koulule. Tähhään mennessä usseimat koulut, joitako oon ilmoitettu, oon seuraneet FSR:in suositteluja.

Halvaaks tietää kunka FSR oon pohtinu eri asioissa? Lue lissää www.folkbildningsradet.se/fsr

Ota meän kansa yhtheyttä:

FSR:in käsittelii: 08-412 48 10

Kansankoulutusraatin (väkseli): 08-412 48 00

fsr@folkbildningsradet.se